



Digitized by the Internet Archive
in 2010 with funding from
Boston Public Library

LES SEPT

Derniers Articles accordés par le Roy & son Conseil , à Messieurs les Deputez des trois Estats.



A PARIS,

De l'Imprimerie d'Anthoine du Brueil, entre
le Pont S. Michel , & la ruë de la Harpe
à l'Etoile couronnee.

M. DC. XV.

Acc 84-546(81)

THE
LIBRARY
OF THE
MUSEUM OF
ART AND
ARCHAEOLOGY
OF THE
UNIVERSITY OF
CHICAGO
1850-1851
1852-1853
1854-1855
1856-1857
1858-1859
1860-1861
1862-1863
1864-1865
1866-1867
1868-1869
1870-1871
1872-1873
1874-1875
1876-1877
1878-1879
1880-1881
1882-1883
1884-1885
1886-1887
1888-1889
1890-1891
1892-1893
1894-1895
1896-1897
1898-1899
1900-1901
1902-1903
1904-1905
1906-1907
1908-1909
1910-1911
1912-1913
1914-1915
1916-1917
1918-1919
1920-1921
1922-1923
1924-1925
1926-1927
1928-1929
1930-1931
1932-1933
1934-1935
1936-1937
1938-1939
1940-1941
1942-1943
1944-1945
1946-1947
1948-1949
1950-1951
1952-1953
1954-1955
1956-1957
1958-1959
1960-1961
1962-1963
1964-1965
1966-1967
1968-1969
1970-1971
1972-1973
1974-1975
1976-1977
1978-1979
1980-1981
1982-1983
1984-1985
1986-1987
1988-1989
1990-1991
1992-1993
1994-1995
1996-1997
1998-1999
2000-2001
2002-2003
2004-2005
2006-2007
2008-2009
2010-2011
2012-2013
2014-2015
2016-2017
2018-2019
2020-2021
2022-2023
2024-2025



1920-1921
1922-1923
1924-1925
1926-1927
1928-1929
1930-1931
1932-1933
1934-1935
1936-1937
1938-1939
1940-1941
1942-1943
1944-1945
1946-1947
1948-1949
1950-1951
1952-1953
1954-1955
1956-1957
1958-1959
1960-1961
1962-1963
1964-1965
1966-1967
1968-1969
1970-1971
1972-1973
1974-1975
1976-1977
1978-1979
1980-1981
1982-1983
1984-1985
1986-1987
1988-1989
1990-1991
1992-1993
1994-1995
1996-1997
1998-1999
2000-2001
2002-2003
2004-2005
2006-2007
2008-2009
2010-2011
2012-2013
2014-2015
2016-2017
2018-2019
2020-2021
2022-2023
2024-2025



LES SEPT DERNIERS

*Articles accordez par le Roy &
son Conseil , à Messieurs
les Deputez des
trois Estats.*



LES fautes ne se re-
parent pas si prom-
ptement ny avec
tāt de facilité qu'el-
les se font , il s'en
faut beaucoup, à peine six anneés
d'entiere reformation peuuent
elles bien souuent redresser ce
que deux mois de desordre au-
ront soudainement renuersé.
C'est pourquoy la Royne, Prin-
cesse esgallement iudicieuse &

debonnaire, preuoyant prudemment les inconueniens que les mauuais humeurs & corruptions pourroient apporter en l'Estat, s'il n'y estoit de bonne-heure pourueu, a tasché d'y remedier par des moyens conuenables à son autorité, le plus promptement qu'il luy a esté possible, pour couper chemin aux abus qui le glissent, & se sont iusques à present glissez dás les membres de ce grand corps de la France. Ceux qui ont veu les deportemens & le soing de ceste Royné durant sa Regence, peuent clairement tesmoigner que sa Majesté a esté de beaucoup plus soigneuse de la trāquilité publique, que de son autorité particuliere, & n'a rien eu en plus singuliere recommandation que le bien pu-

blic, le repos du peuple, la conservation de la paix, & la restauration du Royaume: à laquelle iugeant tres-bien qu'il n'y a rien de si contraire que la guerre; Elle a par sa sage conduite tellement moderé toutes choses, que nous auons maintenant en toutes façons beaucoup plus sujet d'esperer que de craindre. Et estimant en outre que c'estoit fort peu de procurer la paix à la France avec les voisins, si elle ne coupoit aussi par mesme voye la racine à tant de corruptions qui se glissent en tous les ordres de l'Estat, s'est resoluë d'auancer la conuocation des Estats generaux proiectee il y a long temps pour y retrancher vne fois pour toutes, par vne bonne & serieuse reformatiõ d'Estat, les causes des

plus grands maux que le Royau-
me souffre. En quoy faisant sadi-
te Majesté a ietté les fondements
d'une longue & heureuse paix
dans le Royaume, qui fortifié par
sa preuoyance Royale de tres-
grandes & puissantes alliances
au dehors, n'auoit besoing au
dedans que d'un peu de reglemēt
& d'ordre en certaines choses de-
prauées par la longueur & malice
du temps. Car nous ne pouuons
nier qu'il y ait des abus & desor-
dres parmy nous: c'est la condi-
tion commune des choses hu-
maines de n'estre iamais tellemēt
accomplies, qu'il ne s'y melle
toufiours quelque tache ou im-
perfection. Par tout où il y a des
hommes il y a des deffauts. Ce
que nous osons dire d'autant
plus librement, que nous sçauōs

sadite Majesté l'aduoüer elle mes-
 me, avec beaucoup de regret de
 n'y auoir peu aussi promptemēt
 mettre ordre qu'elle desiroit. Car
 comme les corps humains, ainsi
 les politiques, ont des saisons
 propres à la purgation, lesquelles
 si on ne choisit bien a propos, les
 remedes pour doux & excellents
 qu'ils soient, sont quelquefois,
 non seulement inutiles, mais sou-
 uent dommageables à la santé. Il
 y a quelquefois des considera-
 tions pour lesquelles les experts
 & habilles Medecins entretien-
 nent quelque fluxion ou humeur
 peccante dans vn corps, mesme
 parfois vne siebure. Toutes cho-
 ses ont leur temps & leur lieu. Il
 ne falloit donc point douter
 qu'aussi tost que la disposition
 des affaires du Roy le permet-

troit, elle qui iamais n'a eu autre but que la grandeur & felicité de ce Royaume, duquel elle a manié iusques à present heureusement le timon, en recherchant toutes sortes de moyens pour donner aux gens de bien le contentement de ceste reformation si longuement desirée. Ce qui ne se pouuant mieux faire que par vne ouuerture des Estats generaux, assemblez sous l'autorité Souueraine, comme il s'est veu, nous deuons tenir pour asseuré qu'il ne tiendra point à cela que la France (repurgee d'une partie de ses mauuais & violentes humeurs) ne reprenne dans peu de temps son ancienne splendeur & dignité. Elle s'en est tousiours bien trouuee autant de fois que la necessité des occurences en a fait prendre

prendre le conseil à nos peres. Ne doutons nullement que la mesme sincerité qu'eux y ayāt esté apportee en la proposition des Articles, & en l'accord d'iceux. Par la prudence de M^oseigneur le Chancelier (qui sçait sagement peser le poids des cōsequen- ces plus necessaires de l'Estat de la France) nous n'en tirions le mesme fruiçt, proffit, vtilité, & emoluemēt qu'ils en ont tiré. Car c'est là que les plaintes & remonstrances des sujets sont proposees avec vne egale reue- rence & liberté à ceux auxquels seuls appartient d'y donner ordre & faire droiçt : C'est là que ce descouurent les playes & les maladies de l'Estat, & ou s'y appliquent les remedes & appareils necessaires. C'est là en vn mot où se puisent dans le commun aduis des plus notables personnages de tous les ordres, les conseils plus salutaires & plus propres pour remet-

tre toutes choses en leur entier.

I.

DONT en ceste assemblée tant celebre des Estats, ayant esté remon-
stré les necessitez de la France, les
larmes & les souffrances du peuple
vexé, chargé, & appauvry faute de
soulagement pour les gages des ri-
ches, & que l'inuention de la Pau-
lette estoit tres pernicieuse, apres
disie, auoir esté remonstré les incô-
moditez, que l'establissement d'icel-
le auoit apporté à la France: sa Ma-
jesté assistee des Princes, Seigneurs,
Officiers, & Cōseillers de son Con-
seil, pour de tres-iustes & bonnes
considerations, A voulu qu'elle fust
reuoquee, ostee, & abolie.

II.

ET QUE pour le soulagement
toutesfois de ceux qui tiennent les
charges & offices, & pour le bien
des particuliers, les Resignations

desdites charges & offices seront admises, pour lesquelles ne sera payé d'ores avant que le quart denier.

III.

A CONDITION toutesfois que lesdites Resignations n'aurent lieu sinon lors qu'elles aurent esté faites quarante iours avant la mort du resignant: que si la suruiuance des quarante iours n'est parfaite, Veut sadite Majesté que lesdites charges & offices soient supprimez iusques à certain nombre qui sera arresté par le Conseil.

IIII.

ADVENANT ainsi & de telle façon vacation ausdites offices qui seront hors le temps desdites Resignations, le Roy se reserue à y mettre & cōmettre personnes de science & de probité, telles qu'il luy plaira.

V.

ET P O U R C E que la chose plus
necessaire au soustien & conserua-
tion d'une Monarchie c'est la Iusti-
ce : A esté de par sadite Majesté ac-
cordé ausdits sieurs des Estats, que
la Chambre de Justice, dont l'abo-
lition fut faite en l'an 1607. seroit
reestablie, pour cognoistre seulemēt
des cas reseruez depuis ladite abo-
lition.

VI.

ET D'AVTANT que la pauvre
Noblesse & autres personnes de
vertu, se voyent maintenant ban-
nies des Offices & des Charges fau-
te d'argent, & que tous les Offices
de la maison tant du Roy que de
Mōsieur & de Mesdames les sœurs,
estoyent tombez en venalité. Sadite
Majesté pour recompenser ceux qui
le meritent, A arrehtë, conclu, &
accordé, que lesdites Offices tant de

sa Maison, que de Monsieur, & de Mesdames ses sœurs, ne se vendront plus d'oresnauant.

VII.

EN O V T R E, pour autant que les vrgentes affaires de l'Estat auoiēt contrainct sadite Majesté à gratifier les vns, & aux autres augmēter leurs pensions, choses que la necessité permettoit, pour le soulagement de ses finances (dont le meſnage est tant necessaire pour la conseruation du Royaume) elle a trouué bon, arresté, & accordé que l'esdites pensions seroient diminuees.

Et à fin que chacun des sujets soit plainement informé de la volonté que sadite Majesté a de procurer le bien de la Republique, le repos & le soulagement de tous, à satisfaiēt aux remonstrances faiētes par lesdits sieurs deputez des trois Estats, puis les a honnestement congediez

& renuoyez en leurs Prouinces, faire la relatió de tout ce qui a esté proposé, accordé, arresté & rattifié, voulant toutesfois sadite Majesté qu'une personne de chaque ordre des Prouinces faisant lenóbre de trente six, demeurast auprez d'elle, pour entendre la responce generale desdites Prouinces & deputez d'icelle, attendant laquelle responce, lettres seront expediees par le Roy de tout ce que dessus par prouision.

Voila comme toutes choses ont esté retenues en estat pacifique par la sage conduite de la Royne, & de ceux qui l'ont assistee en la direction des affaires publicques, & reformation des ordres, à laquelle nous devons attribuer l'honneur & la gloire d'auoir restably tous lesdits ordres de ce Royaume en leur premiere splendeur, & liberté : reformé & asseuré le repos de la France & de

ceste Monarchie, avec autant de los que si elle en auoit acquis vn autre : respondans à ceux qui disent que les Estats generaux diminuent l'autorité du Roy, que tant s'en faut c'est le moyen de l'affermir & rendre perdurable.

Ceux qui sçauent la façon dont la Royne, tres-vertueuse Princesse, s'est comportee depuis le commencement de ces affaires iusques à ceste heure. La diligence dont elle a vsé pour mettre sur cette occurence, ordre à toutes choses, & la peine qu'elle y a prise, assistee entre autres de ce grand Soleil de la Iustice Monsieur le Chancelier, ne peuuent nier sans tres-grande ingratitude, voire mesme sans felonnie que nous neluy en ayons tous tant que nous sommes vne singuliere obligation. Il faut que nous le recognoissions & attestions : nous le recognoistrans & at-

testerons, & en rendrons loüanges
 à Dieu, qui tient entre ses mains les
 cœurs des Grands, & par secrettes
 inspirations les tourne selon qu'il
 luy semble necessaire, où il veut, qui
 à seulement touché ceux de l'autho-
 rité desquels dependoit icy bas la re-
 solution de telles affaires, qui préfe-
 rans l'intérest public au particulier,
 ont doucement composé toutes cho-
 ses, & par vne prompte & entiere
 diligence ont affermy le repos pu-
 blic, donné soulagement au peu-
 ple au contentement de tous les gés
 de bien, en quoy on ne peut assez
 louer leur prudence & sagesse.

F I N.

